

Gvangjsih Minzczu Bozvuzgvanej Guh Hozdung Angqhoh “Betit” Cietlaebbing

8 nyied 1 hauh, Gvangjsih Minzczu Bozvuzgvanej guh “guckgya ancienz” cawjdaez hozdung angqhoh “betit” cietlaebbing, supyinx haujlai ginzcong camgya, doenggvaq bae daejniemh gamjsouh lizsij guk raeuz, engq ndei beizyangj gij cingz gyaegzuek.

Banhaet, aen lwnhgangj gyaegzuek cujyi “geiqmaenh feizhoenz lizsij, cienziep cingsaenz saek-hoengz” vunz gig lai. Boux lwnhgangj Lij Cunhnanz dwg daeglgw Lij Yenznenz, Lij Yenznenz ndaej gvaq binggagnyienh it gaep yinghyungz,

daegdaengj goengcinz、“gunghozgoz yinhcangh” daengj mingzdaeuz. Lij Cunhnanz yungh lizsij yingjsieng swliu dijbauj, giethab goj bonjfaenh, lwnh gij saehsaed mbeilaux baujhoh gukgya seiz doxhoenx Lij Yenznenz. Boux hagseng Nanzningz Si Daihseiq Cunghyoz Lij Yuisenh gig gamjdoengh naeuz: “Gij saehsaed caeuq cingsaenz Lij Yenznenz gig gik gou, gou yaek yungz gij rengz ‘mbouj fug saw’ neix haeuj ndaw hagsib gou bae, daengzcog vih hwnqguh gukcoj ok rengz.”

Youq aen hozdung vanzceez bozvuzgvanej ginhyin, gyoengq hagseng

cizgiz camgya gij hanghmoeg miz minzczu daegsaek youh miz ciuqei ginhsw singciz, lumjbaenz faexhanz rap naek、haizgieg doxdax、dwkdom、caeuq dwkcungq daengj. Daihgya youq ndaw hozdung caenndang daejniemh daengz gij yinxdaeuz daegbied conzdungj minzsug, hix gamjsouh daengz gij cingz hungmbwk baujhoh gukgya.

Doengzseiz, aen yingzyenzhag 30 boux hagseng haeujlaeg hag gij cihsiz Gvangjsihgen caeuq gencaigih, caenfwnz guh caemhcai q sawq mbin gencaigih ceij, guhbaenz le “dingz

ruz” caeuq gazgiengh diuhcan daengj saedsaeh hozdung. Doenghgij hozdung neix gig daih gikfat gij yinxdaeuz naekna gozfangz gohgi gyoengq lwgnyez.

Linghvaih, gwnz muengx roemx-gvan “gwnz muengx diemj bing” caeuq hozdung dinghseiz gangjgej mbouj aeu ngaenz hix doengzbouh guh. Doenggvaq gij fuengsik gwnz muengx yienhsaed dox giethab, mizyauq senhconz ginhsw cihsiz caeuq minzczu vwnzva.

(Se Liengzyij/谢梁雨
Veiz Siuyez/韦秀月)



▲Gyoengq hagseng youq vwnzsijgvanej yawj ngonz. Cingz Ginghoz ingi

Yungzanh: Ndaw Yingzdoengzsim “Ngveih Lwgloux” Rangfwd

7 nyied 31 hauh, Yungzanh Yen guh hozdung yingzdoengzsim sausenhui “ngveih lwgloux ranz vunz ndeu”. Daengx yienh 40 lai boux sausenhuiyenz maenhndei gak minzczu doengzcae z yawj vwnzsijgvanej、bozvuzgvanej, gamjsouh lizsij; yawj feihyiz biujyienj, gamjsouh gij yinxdaeuz conzdungj vwnzva; caemhcai q daejniemh guh gijgwn ndei feihyiz. Hozdung mizyauq coicaenh gak cuz bouxcoz nyezrauh samgyau, gyalag cingzgamj nyinhdoengz, engq ndei couqmaenh gij eiqsik Cunghvaz Minzczu ranz vunz ndeu.

(Cinz Ginghoz/覃庆和 Loz Gezfangh/罗洁芳)

Mungzsanh: Guh Cietangqraemx Yauzczu

8 nyied 1 hauh daengz 3 hauh, Mungzsanh Yen Cangzbingz Yauzczu Yangh Dieg Baeyouz Suijyinh Mbanjyauz guh cietangqraemx Yauzczu, guh hozdung gwnz raemx aeuyah biujyienj、gwnz raemx doxdax nenghcag、doxdax gaeb bya、doxdax gaeb bit daengj, haujlai hekyouz daeuj camgya hozdung, youq gwnz raemx angqyangz yiengjsouh gij cingliengz seizhah.

(Vangz Swnglinz/黄胜林)



▲Fungsug gwnz raemx aeuyah youq gwnz raemx yienjok.



▲Gyoengq bingzeij dwk faen hawj maknam.

Ningzmingz: Angqhoh Maknam Baenz Lai

7 nyied 30 hauh, Ningzmingz Yen guh hozdung gaiq daihhaj angqhoh byaraiz maknam baenz lai, doenggvaq hozdung dwk yiengj binjbaiz maknam, coenghrenz lajmbanj saenqhwn. Ningzmingz Dungh’ anh Yangh ndaem maknam miz 2000 moux baedauq, 15000 lai go, bineix baenz mak 60 fanh goenggaen, canjciz 300 lai fanh, dwg aen “mbanj maknam” mizmingz Ningzmingz Yen.

(Couh Yizganh/周贻刚)